

CHIGA TEVAEN' JEMA

ATESUJA

1

Aisheve Caña'cho

Introducción al Nuevo Testamento
Cofán

CORSOMA

MA'CAEN TSU TEVAEÑA'CHO

- Va corsonga ca'ninda tsu Chiga Tevaen'jen, a'ingae tevaen'choma a'mbiaña'cho.
- Tisuyi cambia tevaeña'cho, tsambi'ta que in'janda craseni tevaeña'cho.
- Qquen tsu tevaeña'cho:
 - Pui ñajampaña'choma cambia tsu conda'choma tevaeña'cho.
 - Versícoro o capítoro mani jinchochove tevaen'choma tsu cambia ttattaya'cho tsa versícorove o capítorove.
 - Majan versícoroma injamachoi'ccu tsu in'jaña'cho.
Pa'cco tsa tevaen'choma, mani jinchochove tevaen'cho, toya'caen tsani afa'choma ñotsse tisu injamachoi'ccu atesu'ta tsu afacaña'cho fuesu a'i paña'jesi.
Tsonsi tsa fuesu a'i, ñotsse afaye qquen paña'da tsu firmaiya'cho.
- Tevaen nanimba tsu mañaña'cho va direcsionga:
 - Chiga Tevaen'jen Corso-Cofán
 - Limoncocha, Napo
- Ñotsse tevaen'cho qquen attepa tsu 1^o corsoma quenga mañañe.

CHIGA TEVAEN'JEMA COIRAYA'CHO

Ñotsse tsu coiraya'cho va cuna Chiga tevaen'jema.

Dañongembe'yi a'mbiañe in'janda qquen tsu
coiraya'cho:

- Tevaen'jen o prasticojei'ccu tsu oncaña'cho.
- Tive amundetssiai'ccu ppore'masia.
- Fettapa can'da tevaenjen'jema ñotsse pporemba
fettaya'cho, chittasa'ne.
- Tsaoni cafonga ppiñamba, tsambi'ta prastico bosanga
ppiñamba dusiaña'cho, shipicco, dushupa da'ñosa'ne.
- Du'shu isupa da'ñosa'ne'qqe tsu ñotsse a'mbiaña'cho.
- Du'shuma ñotsse atesian'jan ma'caen tevaen'jema
ñotsse coirapa a'mbiaña'cho.

Tsa'ma aquia Chiga Tevaen'jema cafonga ppiñamba
cuna'can'tsse a'mbiañe tsu barembi. Chiga Tevaen'jema
tsu caña'cho.

- Poi a'ta tsu Chiga Tevaen'jema cambia afaya'cho.
Chiga ettini'qqe ja'ta Chiga Tevaen'jema tsu angaya'-
cho cuintsu tseni fue'ngae fettapa caña'cho.

Tevaeña 'cho

(1)

Chiga Tevaen'jembe oncan'cho, toya'caen ppiñaje'choma ñoñajan.

1. Ñoñamba va'tti tevaenjan, "Tayo gi ñoña" _____

2. Chiga Tevaen'jemanda ti cafonga ppiñamba somboembe'-yi a'mbiaña'cho? _____

3. Chiga Ettinga japa ti Chiga Tevaen'jema angapa caña'cho? _____

4. Fue avuja'qqi poi a'ta Chiga Tevaen'jema cambia afapa vani tevaenjan que can'choma.

Lunes _____

Martes _____

Miércoles _____

Jueves _____

Viernes _____

Sábado _____

Domingo _____

CHIGA AYA'FAMA TEVAEN'CHONE CONDASE'CHO

Tayopi Chiga Quitsa tsu majan a'ima in'jaen tise Aya'fama tevaeñe.

II Pedro 1:21 tsu su: "Nane tayopi'su Chiga Aya'fama afasundeccuja tise'pa in'janchoma afa'fambi. Tsa'ma Chiga Qquendya'pa tise'pama in'jaensi tsu ñoa'me Chiga Aya'fama afa'fa."

Tayopi'su Chiga Tevaen'jema tevaensundeccuta tsu Chiga manda'choma tisu'pa ayafangae tevaen'fa. Tsa'ma ccani'su faesu ayafama afasundeccuta tsu pañañe osha'fambi. Tsa'cansi tsu majan a'i Chiga aya'fama tansiansundeccuve da'fa, cuintsu faesu ayafama afasundeccu'qqe tisu'pa aya'fangae paña'faye Chiga su'choma. Ja'ño tsu a'ingae'qqe jincho. Va tevaen'jen a'ingae somboen'cho tsu ñoa'me Chiga Aya'fa. Chiga Tevaen'jenda tsu ñoa'me su'cho, ñoa'me Chiga manda'cho. Tansian'su ma'ttima oshambisi tsu ma'tti ituyetssi o a'tatssimbi, tsa'ma Chiga Aya'fata tsu qqe'chove me'cho. Pa'cco Chiga tevaen'-jen tsu Chiga Afa'cho, a'i tisupa injama'choi'ccu somboen'chombi tsu.

Tevaeña'cho

(2)

1. Chiga Aya'fama afasundeccuta ti aquia tisu'pa in'janchoma tevaen? _____

2. Majari tsu Chiga Aya'fama afa'sundeccuma in'jaen? _____

3. Majambe aya'fangae tsu tseite'su Chiga Aya'fama tevavaen'sundeccuja tevaen'fa? Tisu'pa aya'fangae o fuesumbe aya'fangae? _____

4. Chiga Quitsata ti osha que aya'fama'qqe pañañe? _____

5. Pa'cco Chiga Tevaen'jenda ti Chiga ñoa'me su'cho? _____

6. II Pedro 1:21 tsu injama'choi'ccu atesuya'cho. Atesu'ta tsu afacaña'cho fuesu a'i paña'jesi. Tsonsi tsa fuesu a'i, ñotsse afaye qquen paña'da, tsu firmaiya'-cho va'tti.

Paña'su firma _____

CHIGA TEVAEN'JEN JINCHOCHO

Chiga Tevaen'jema tisu tivenga isupa fetta
canjan cuintsu atesuye jongoesie tsu tsani jinchocho.

Mapata tsu jin, toya'caen divoja'cho. Tsa tsu
quema fuiteye titsse ñotsse in'jañe. Divoja'cho tsu
aquia a'i tisu injamachoi'ccu in'jamba divoja'cho.
Isian'chombi tsu. Ja'ño'su a'i gi atesu'fambi
tseite'su a'i tsoveju ma'caen jinchochove, toya'caen
Jesús tsoveju ma'caen jinchochove, ni tise ai'vo,
ni tise ondiccuchove gi atesu'fambi. Tsa'ma a'i tsu
tisu'pa injamachoi'ccu in'jamba divoja'fa cuintsu
que'i atepa ma'caen Chiga Tevaen'jeni condasechove
titsse ñotsse in'jañe.

Tevaen'jen inise (titúlo) pájinanga fettaja.
Tsa pájina tsu conda a'ingae toya'caen cocamangae
va tevaen'jen inisema.

Inise tsu:

Chiga Tevaen'jen
Na'su Jesucristo Ñotsse Condase'cho

Cocamangae:

El Nuevo Testamento de Nuestro
Señor Jesucristo

Toya'caen tsesu pájinani tsu tevaen'cho jin:

Sociedad Biblica de Nueva York

Internacional

Las Sagradas Escrituras Para Todos

Tsa tsu conda majan va tevaen'jema somboen'suve.
Tsendeccu tsu afepoen somboen'chone cuintsu a'i
baratove chava'faye.

Inise pajinambe ccafanga tsu conda divoja'choma
afe'su. Toya'caen tse'tti'su pājina tsu inise
pājina'su tevaen'choma ccase tevaenge.

Tsambe jofani tsu tevaen:

Chiga Tevaen'jen Tevaen'cho

Tsa tsu conda poi tevaen'chombe inise toya'caen
pajinama. 27 tevaen'cho tsu jin.

Pajina lma cambia ttattaja:

Inisema--va pājina'su inise tsu:

Mateo Nōtsse condase'cho Jesucristone

Inise tsosiccuni tsu fuesu inise. Tsatsu
chipirive tevaen'cho. Tsa tsu conda jongoesne tsu
tse'tti'su versīcoroni condase'cho. Va pājina'su
chipiri inise tsu:

Jesucristo Tayopi'su Antiandeccu.

Tsambe tsosiccuni tsu:

(Lc 3:23-28)

Tsa tsu conda catti toesuyi condase'cho.

(Lc, ta tsu Lucas)

- Capītorota tsu rande nomeroi'ccu tevaen'cho
- Versīcorota tsu chipiri nomeroi'ccu tevaen'cho
- Iniseta tsu randei'ccu tevaen'cho
- Chipiri iniseta tsu chipiri'ccu tevaen'cho

Pa'cco, capītoro, versīcoro, toya'caen chipiri

iniseta tsu a'ima fuiteye tevaen'cho, Tayopi tseyi
tevaen'cho tsu tsesuve mecho. Jongoesuve ttattaye
panshaen aiyepasi a'i tsu tsesuve tevaen cuintsu
vanambe'yi in'jañe mani condasecho jincho'chove.

TEVAENA'CHO

(3)

Pájina 189ve ttattapa condaja:

1. Jongoesu inise tsu tsa tevaen'cho? _____

2. Mañi'cco chipiri inise tsu tsa pájina'su?

3. Jongoesu capítoro tsu tsa pájina'su?

4. Mateo Tevaen'cho, capítoro 1, versícoro 21 tsu
qquen tevaen'cho - Mt. 1:21. Tsama tta'ttapa cambia
afapa condaja:

a. Majane tsu condase? _____

b. Jongoesune tsu Jesúsja ji? _____

5. Mateo 1:21ma injamachoi'ccu in'janjan.

Paña'su firma _____